

U G O V O R
Br. 0602-61-6/20
o usluga o pružanju pravnih usluga

UGOVORNE STRANE

UGOVORNI ORGAN: KJKP „POKOP“ d.o.o. Sarajevo, Mula Mustafe Bašeskije 38,
kojeg zastupa Direktor, Goran Cerić (u daljem tekstu: Ugovorni organ)
ID broj: 4200119040004; Porezni broj PDV: 200119040004;

DOBAVLJAČ: „ADVOKATSKI URED ZUBAK KREŠIMIR“, Jadranska bb, kojeg
zastupa advokat, Krešimir Zubak (u daljem tekstu: Dobavljač)
ID broj: 4301032200006; Porezni broj PDV: 301032200006.

UVODNE ODREDBE

Član 1.

Ovaj Ugovor se zaključuje na osnovu provedenog Direktnog postupka za javnu nabavku usluga - o pružanju pravnih usluga, prihvaćene ponude Dobavljača broj: 0602-61-4/20 od 14.01.2020. godine i Odluke o izboru najpovoljnijeg ponuđača broj 0602-61-5/20 od 15.01.2020. godine.

PREDMET UGOVORA

Član 2.

Predmet ovog Ugovora je nabavka usluga - o pružanju pravnih usluga, prema prihvaćenoj ponudi sa specifikacijom usluga, koja čini sastavni dio ovog Ugovora.

Član 3.

Poslovi iz člana 2. ovog Ugovora obuhvataju usluge u sljedećim pravnim područjima:

- Pravno zastupanje interesa u svim pravnim radnjama, pred upravnim organima, nadležnim sudovima, kao i svim ostalim institucijama i organizacijama, koje zahtjeva Ugovorni organ (sastav tužbe, sastavljanje žalbe ili odgovora na žalbu, zastupanje na ročištima za glavnu raspravu, uključujući sve pripremne radnje, sastavljanje prijedloga za izvršavanje pravnih lijekova i dr.);
- Savjetovanje u području radnog prava (analiziranje i rješavanje pravnih pitanja, zastupanje u radnim sporovima i sl.);
- Pružanje pravne podrške pri realizaciji ostalih poslova Ugovornog organa (priprema i pomoć u postizanju izvansudskih nagodbi, usmena pravna mišljenja i pravni savjeti, pismeni pravni savjeti i pismena pravna mišljenja, sastavljanje opomena i dr.), u skladu sa zahtjevima Ugovornog organa.

UGOVORENA CIJENA

Član 4.

Ugovorena cijena za usluge iz člana 2. ovog Ugovora iznosi:

Cijena usluge koja su predmet ovog Ugovora bez PDV-a iznosi	5.900,00 KM
PDV na ponuđenu cijenu usluga iznosi	1.003,00 KM
Cijena usluge koja su predmet ovog Ugovora sa PDV-om iznosi	6.903,00 KM

PLAĆANJE

Član 5.

Ugovorni organ će plaćanje cijene iz člana 4. ovog Ugovora, izabranom Dobavljaču izvršiti u roku do 30 (trideset) dana nakon prijema uredno ispostavljene fakture za izvršenu uslugu, na transakcijski račun naznačen na fakturi.

Dobavljač je dužan izdati/sačiniti fakturu u skladu s odredbama pozitivnih propisa, u suprotnom ista neće biti plaćena i bit će vraćena Dobavljaču na usklađivanje.

Uslovi plaćanja i drugi uslovi koje Dobavljač jednostrano unese u fakturu ne obavezuje Ugovorni organ ni onda kada je fakturu primio, a nije joj prigovorio.

ROK REALIZACIJE

Član 6.

Ovim ugovorom ugovorene pravne radnje se vrše u skladu sa prispjelom dinamikom predmeta i zakonom utvrđenim rokovima za preduzimanje pojedinih pravnih radnji u fazama zastupanja, u sudskim, upravnim i drugim sporovima.

OSNOVNE OBAVEZE DOBAVLJAČA

Član 7.

Pored obaveza predviđenih važećim propisima, Dobavljač se obavezuje sve poslove iz člana 2. ovog Ugovora obavljati savjesno i odgovorno, poštujući pravila svoje profesije i respektujući postojeći pravni poredak, te u okviru advokatskog zadatka i etike maksimalno se zalagati za interese Ugovornog organa.

Pismene stavove i mišljenja dostavljati isključivo na osnovu pismenih zahtjeva Ugovornog organa.

OSNOVNE OBAVEZE UGOVORNOG ORGANA

Član 8.

Ugovorni organ se obavezuje da će za svaki predmet koji se Dobavljaču ustupa na zastupanje dostaviti posebnu punomoć i potrebnu dokumentaciju koja se odnosi na predmet spora, najmanje 15 (petnaest) dana prije početka postupka, odnosno obavljanja određene pravne radnje. Uz dostavu dokumentacije Ugovorni organ će u pismenom dopisu dati svoje mišljenje i označiti službenu osobu Ugovornog organa s kojom advokat može vršiti komunikaciju u vezi predmetom spora.

RASKID UGOVORA

Član 9.

Ugovorni organ ima pravo raskinuti ovaj Ugovor u sljedećim slučajevima:

- ako Dobavljač ne izvrši ugovorene obaveze iz ovog Ugovora u predviđenom roku, a koje nisu rezultat kašnjenja preuzetih obaveza Ugovornog organa;
- ako Dobavljač ne izvrši uslugu kvaliteta datog u Ponudi;
- ako poslije djelovanja više sile nije moguće nastaviti realizaciju Ugovora.

Ugovor može biti raskinut izjavom Ugovornog organa ili Dobavljača u pisanoj formi.

Izjava mora sadržavati razlog raskida Ugovora.

U slučaju raskida Ugovora ugovorne strane su saglasne da ni jedna strana drugoj neće dugovati nikakvo obeštećenje, niti nadoknadu i da će u svemu izmiriti međusobne obaveze.

RJEŠAVANJE SPOROVA

Član 10.

Ugovorne strane su saglasne da će eventualne sporove rješavati međusobnim dogovaranjem, u skladu sa dobrim poslovnim običajima.

U slučaju da ugovorne strane ne postignu dogovor o spornim pitanjima, za rješenje spora nadležan je sud u Sarajevu.

ZAVRŠNE ODREDBE

Član 11.

Ugovorne strane su saglasne da se na sve što nije regulisano ovim Ugovorom, primjenjuju važeće odredbe Zakona o obligacionim odnosima.

Član 12.

Ovaj Ugovor stupa na snagu nakon obostranog potpisivanja od strane ovlaštenih lica ugovornih strana i zaključuje se na period od 12 (dvanaest) mjeseci.

Član 13.

Ovaj Ugovor je sačinjen u 6 /šest/ istovjetnih primjeraka, od kojih Ugovornom organu pripadaju 4 /četiri/ primjerka, a ostala 2 /dva/ Dobavljaču.

U znak prihvatanja svih prava i obaveza iz ovog Ugovora, ugovorne strane ga svojeručno potpisuju.

UGOVORNI ORGAN

KJKP „POKOP“ d.o.o. Sarajevo


Direktor, Goran Cerić



DOBAVLAČ

ADVOKATSKI URED ZUBAK KREŠIMIR

Advokat, Zubak Krešimir



Broj, 0602-61-6/20
Sarajevo, 17.01.2020. god.

Broj, _____/_____
Sarajevo, 17.01.2020 . god.